

Iz ornitološke bilježnice

Zapis o prugastom orlu (*Aquila fasciata*) u Duvanjskom polju

A record of Bonelli's Eagle (*Aquila fasciata*) in Duvanjsko Polje: In late morning of 18 April 2008 we saw a Bonelli's Eagle, perched atop a 2-3 m high, solitary bush, 50-70 m from the main road M-15 near the village of Mesihovina at the southern rim of Duvanjsko Polje.

Distribucija prugastog orla (*Aquila fasciata*) na zapadnom Balkanu je ograničena na suhu mediteransku klimatsku zonu istočnog Jadrana. U svim zemljama bivše Jugoslavije ova vrsta je veoma rijetka i procjenjuje se da gnijezdi svega 6 do 11 parova [Burfield, I. & Bommel van F., 2004: Birds in Europe: Population Estimates, Trends and Conservation Status, BirdLife Conserv. Ser. 12]. U Bosni i Hercegovini jedino poznato gniježđenje je zabilježeno kod Stoca u maju 1984. godine [Marinković, S. & Orlandić L., 1989: Prvi nalaz planinskog orla (*Hieraaetus fasciatus* V.) na gniježđenju u Jugoslaviji. Larus, 40: 179-183]. Pošto nije bilo novih opažanja od 1995., ova vrsta je označena kao „vjerovatno izumrla“ u Bosni i Hercegovini [Kotrošan, D., 2008/2009: Dopune i korekcije popisu ptica zabilježenih u Bosni i Hercegovini od 1888. do 2006. godine. Bilten Mreže posmatrača ptica u Bosni i Hercegovini, 4-5(4-5): 72-86]. U kasno jutro 18.04.2008. godine vidjeli smo prugastog orla na vrhu osamljenog grma 2-3 metra visine, na 50 do 70 m od magistralnog puta u blizini sela Mesihovina (43° 34' 40" N, 17° 17' 09" E; 920 m n.v.) na južnom obodu Duvanjskog polja (Kanton 10). Pticu smo determinisali uz pomoć teleskopa (30-60x) na osnovu njegove veličine (otprilike kao orao zmijar *Circaetus gallicus*), relativno male glave, pernatih nogu, redovito zarubljenog, kvadratnog repa i dugih krila koja dosežu do oko pola duljine repa. Na osnovu svijetloriđeg trbuha i bedara, tankih tamnosmeđih pruga na vratu i donjem dijelu grudi i finih pruga na repu, te nedostatku tamne subterminalne trake, zaključili smo da se radi o mladom (juvenilnom) primjerku starosti 2-3 godine. Iako odrasli (immaturus) primjerci znaju odlutati daleko izvan zone gniježđenja, dato posmatranje ukazuje da ova vrsta može biti redovna u Bosni i Hercegovini.

Dr. Peter Sackl,
Universalmuseum Joanneum – Biowissenschaften, Weinzöttlstraße 16, A – 8045 Graz,
Austrija; peter.sackl@museum-joanneum.at

Davorka Kitonić,
Crepina 44, HR – 20355 Opuzen, Hrvatska; davorka.kitonic@st.t-com.hr